

# Lingua baskir

Na Galipedia, a Wikipedia en galego.

O **baskir** (Башҡорт теле, *Başqort tele*, باشقورت تیلی) é unha lingua da familia turca falada polo pobo baskir. É cooficial xunto co ruso na República de Bashkortostán e conta con preto de 1,2 millóns de falantes en Rusia. O baskir ten tres dialectos: meridional, oriental e setentrional.

## Índice

**Falantes**

**Alfabeto e dialectos**

**Véxase tamén**

Ligazóns externas

## Falantes

O censo de 1989 declaraba que había 1 047 000 falantes nativos da lingua baskir vivindo na URSS. Outros 26.737 dicían que o baskir era a súa segunda lingua. Aproximadamente 300.000 baskires declararon que o tártaro era a súa lingua nativa. No censo de 2002 houbo declarados 1 379 727 falantes.

A maioría dos falantes do baskir habitan na república rusa de Bashkortostán, así como nos veciños Tartaristán e Udmurtia. Un número substancial de falantes viven no Krai de Perm e en Chelyabinsk, Oremburgo, Sverdlovsk e óblast de Kurgan. Existen importantes minorías baskires en Casaquistán e Uzbekistán.

## Alfabeto e dialectos

Inda que os baskires eran orixinariamente tribos úgricas ou finesas, adoptaron a lingua bolgar. Trala invasión mongola de Rusia, o kypchak fíxose máis habitual, xa que era o idioma falado pola maioría das tribos da Horda Dourada.

**Baskir**  
*Башҡорт теле, Başqort tele,*  
باشقورت تیلی

Falado en: Rusia

Rexións: Bashkortostán

Total 1 200 000 (censo de 2010)  
de falantes:

Familia: Linguas turcas  
Turco shaz  
Linguas kipchak  
Kipchak setentrional  
**Baskir**

Escrita: Cirílico (oficial)  
Latino (non oficial)  
árabe (histórico)  
Antigo alfabeto turco (historical)

**Estatuto oficial**

Lingua  Bashkortostán  
oficial de:

**Códigos de lingua**

ISO 639-1: ba  
ISO 639-2: bak  
ISO 639-3: bak (<http://www.sil.org/iso639-3/documentation.asp?id=bak>)



O baskir moderno, do mesmo modo que o tártaro, que é similar, toma as súas raíces do grupo de linguas kypchak. Hoxe en día o idioma ten moitos dialectos, que son moi similares ó tártaro. No pasado, os baskires usaban o tártaro coma lingua escrita. No século XV substituíuno o Chagatay (porén, segundo algúns historiadores<sup>[*Cómpre referencia*]</sup>, foino pola variedade tártara antiga do Chagatay), que se utilizou ata 1923. Tanto o tártaro coma o chatay usaban a escritura árabe.

En 1923, creouse un sistema escrito para a lingua baskir. Tamén se creou unha linguaxe literaria propia. Ó principio utilizouse un alfabeto árabe modificado. En 1930 foi substituído por un alfabeto baseado no latino e este á súa vez por outro adaptado do cirílico en 1938.

O alfabeto utilizado polo baskir é o mesmo que o alfabeto ruso, co engadido das seguintes letras: Ә ә Ө ө Ү ү Ғ ғ Ҝ ҝ Ң ң Ҥ ҥ Ҧ ҧ Ҩ ҩ Ҫ ҫ Һ һ.

## Véxase tamén

---

### Ligazóns externas



Existe unha versión da Wikipedia en ***Lingua baskir***

- Facultade de Filoloxía baskir da Universidade Estatal de Bashkortostán (en inglés) ([https://web.archive.org/web/20090321044458/http://www.bashedu.ru/bgu\\_main1e.htm](https://web.archive.org/web/20090321044458/http://www.bashedu.ru/bgu_main1e.htm))
- Lista Swadesh en Bashkir
- "Bashkortostan" xornal (<https://web.archive.org/web/20060316093558/http://bashgazet.ru/bas h/bnews/>)
- "Ural batyr" (<http://uralbatir.narod.ru>)
- textos de cancións do folclore baskir (<http://yir.atspace.com>)

---

Traído desde "[https://gl.wikipedia.org/w/index.php?title=Lingua\\_baskir&oldid=5501067](https://gl.wikipedia.org/w/index.php?title=Lingua_baskir&oldid=5501067)"

---

A última edición desta páxina foi o 25 de xuño de 2020 ás 10:08.

Todo o texto está dispoñible baixo a licenza Creative Commons recoñecemento compartir igual 3.0; pódense aplicar termos adicionais. Consulte os termos de uso para obter máis información.

Wikipedia® é unha marca rexistrada da Wikimedia Foundation, Inc., unha organización sen fins lucrativos.